



UNIVERSITÄTS-  
BIBLIOTHEK  
PADERBORN

**Praxis Beneficiorvm D. Petri Rebvffi Montispessvlani  
Ivrvim Doct. Ac Comitiss, Ivrisqve Pontificii Ordinarii  
Professoris Paris. & ibidem in supremo Senatu Causarum  
Patroni**

**Rebuffi, Pierre**

**Coloniae, 1610**

X. De reparanda disciplina Ecclesiastica, & causis ruinæ Ecclesiarum  
Germaniæ.

---

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

quarto indictione duodecima die ve-  
ro decima quarta mensis Septembris,  
Pontificatus Sanctissimi in Christo  
Patris, & Domini nostri, Domini  
GREGORII diuina prouidentia Papa  
XIII. Anno decimotertio. Retroscri-  
pta licet apostolica affixa, & publi-  
cata fuerunt in valuis, seu portis Ec-  
clesiarum Sancti Iohannis Lateranen-  
sis ac Principis Apostolorum de Vrbe,  
nec non Cancellarie Apostolicae, & a  
ciei Capi Florae, ibidemq. per aliquod  
temporis spatium dimissa per nos Ca-  
lixtum Brunettum, & Nicolau Taglietti un, eiusdem Sanctissimi Domi-  
ni nostri Papae Cursores.

Ioannes Freile Magister Curforum.

## NOTABILE X.

*Transumptum corū, quae Illustris-  
simus & Reuerendissimus Princeps,  
& Dominus, D. Ludouicus Cardina-  
lis Madrutius S. D. N. Clementis Pa-  
pa VIII. adinuictissimum. &c. Ru-  
dolphum Rom. Imperatorem, & per  
Germaniam de latere Legatus, Anno  
M. D. LXXXIII. in Comitibus Ra-  
tisonen. pro reformanda ecclesiasti-  
ca disciplina proposuit.*

**S**ANCTISSIMVS D. N. PONT.  
MAX. pro paterna sua sollicitudine,  
ad animum reuocans, passim in Ger-  
mania, vnam Ecclesiam post aliam, præci-  
pitem ferri, ex officio vniuersalis sollici-  
tudinis, pariter compellitur, diligenter ex-  
pendere, qua ratione tantis malis, quæ cū  
certo exitio Religionis Catholice & Ec-  
clesiarum ruina, in ipsis visceribus, ipsaq;  
adeo substantia hærent, & quasi iam iam  
erumpentia oculis cernuntur, in tempo-  
re occurratur. Sperat autem in primis oc-

casione presentium Comitiorum Impe-  
rialium, auctoritate & Prudentia Princi-  
pum Ecclesiasticorum, de certis & oppor-  
tunis rationibus in medium consuli posse,  
merito enim iudicat illos optimè, & gra-  
uitatem ipsius rei perspectam, eandemq;  
vt par est, maximè cordi habere.

Circa quod, cum experientia ipsa & e-  
uentus, nec nō exempla Ecclesiarum Hal-  
berstaten. Magdeburgen. Bremen. atque  
aliarum euidenter demonstrent, quam sit  
difficile semel collapsas erigere, atq; in pri-  
stinum statum restituere, idcirco (illarum  
cura, & reductionis spe non abiecta) et-  
iam, atq; etiam cogitandum venit, quibus  
potissimum modis, diuino auxilio, vindicari  
possint ab interitu eæ Ecclesie, in qui-  
bus adhuc, per Dei gratiam, Religionis  
Catholice obseruantia reliqua est.

Primum itaq; satis per se patet, nihil es-  
se conuenientius conseruandis Ecclesiis,  
quam omnibus modis prospicere, vt in iis  
ecclesiastica disciplina, & primæua institu-  
tio sartatecta retineatur, adhibita omni cir-  
cumspeditione, ne prophanis nouitatibus,  
vel vllis defectibus, aut excessibus, fene-  
stra apperiat, quibus constitutionum,  
ordinationum, ac legum sacrarum, vigor  
minuatur. Quod certè ab iis ex officii de-  
bito maximè requiritur, qui, tanquam in  
specula positi, diuina dispositione, pericu-  
losissimis temporibus ecclesiarum curam  
gerentes, ea omnia diligenter prospicere,  
& arçere debent, quibus status Ecclesia-  
rum turbatur, aut læditur.

Quare facere non potest Sanctitas sua, 6  
quin efficaciter hortetur Illustrissimos, ac  
Reuerendissimos Archiepiscopos, Episco-  
pos, aliosq; Prælatos ecclesiasticos quos-  
cunq;, vt districti, ac grauissimi DEI Iu-  
dicii memores, periculosissimi, & angeli-  
cis humeris formidabilis muneris, debitū  
sæpè animò recolant, illudque DEO, e-  
iusque gratiæ se totos cōmittentes, Chri-  
stiana charitate & sollicitudine exercere  
studeant, omnes vias ineundo, quibus  
impudentia mala, & pugna, quæ for-  
ris intendantur, propullari, simulque  
timores, ac defectus interni sedari, &  
toll

tollī possint: Id verò in amplissimo spiri-  
tuali regiminis campo, multis modis, cha-  
ritate & prudentia ducibus, secundum  
certissimas fidei, & disciplinæ ecclesiasticæ  
7 regulas, præstandum est, ac in specie cum  
per Conciliorum Prouincialium, & Sy-  
nodalium, statis temporibus, & pro rerū  
necessitatibus, celebrationes, tum per di-  
8 ligentes visitationes, & similia media, ne-  
cessaria planè, ad submouendum ab Ec-  
clesia Dei scandala, & negligentias, quæ  
9 corpus ipsum Ecclesiæ euidenter deor-  
mant, nudumque exponunt, grauissimis  
damnis, & læsionibus, quæ per infinitas  
hæreses, ac sectas insurguntur.

10 Vt autem maiore cum fructu excolen-  
dæ Ecclesiæ cura suscipiatur, hortatur in  
primis Sanctitas sua, vt omni promptitu-  
dine S. Concilii Tridentini obseruantia  
amplectatur, cum illius salutaris directio,  
multis in partibus, Ecclesiæ DEI innum-  
merabilia beneficia, & spiritalia ornamē-  
ta, protulerit: quod idem in Germania  
euenturum speratur, siquidem eius ob-  
11 seruatio debitis modis ita instituat, vt  
omnes re ipsa animaduertant, præfulgen-  
tes autoritate, & potestate, integri Ec-  
clesiarum corporis splendorem, & purita-  
tem serio concupiscere.

12 Quandoquidem verò notorium est, Ec-  
clesiis non paucis interitus causam fuisse,  
absurdas postulationes, & electiones per-  
sonarum, legitimas qualitates non habenti-  
um, secundum præscriptū Constitutio-  
num ecclesiasticarum, ipsiusque legis diu-  
inæ, opere precium est, remedium adhibe-  
ri his incommodis, quæ grauissima profi-  
ciscuntur à Capitulis, & Canonicorum præ-  
cipuis Collegiis, quæ prærogatiua electio-  
nis gaudent: Nisi enim electio firmis, &  
13 bonis regulis dirigatur, vel si deferatur in  
personas externam tantum dignitatem, &  
potentiam appetentes, parumque seruitu-  
um Dei, & beneficium Ecclesiarum, ac Re-  
ligionis Catholicæ (cui consecratæ sunt)  
obseruantia curantes, irreparabilia damna  
consequi necesse est, cum ingenti Christi  
Saluatoris nostri sanguine redemptarum  
animarum periculo & iactura.

Cum etiam Ecclesiarum dignitas, maie-  
stas, & gubernatio, in qua Capitula non  
minimas partes obtinent, conditiones,  
qualitates, & merita condigna, pro tanto  
munere, postulent, omnibus modis labo-  
randum videtur, vt iuxta sacrorum, & S.  
Concilii Tridentini dispositionem, & lau-  
dabiles Ecclesiarum consuetudines, & ap-  
probata statuta, quæ sacris Canonibus  
non repugnent, ætas, doctrina, vita, &  
conueratio ipsorum vocationi, & mune-  
ri, ac Ecclesiarum celebritati, quantum  
fieri potest, respondeat, ita vt Canonicæ  
formam Senatus Ecclesiastici repre-  
sentent, qui Episcopis, & Prælati, in san-  
ctissimæ functionis exercitio, assistant,  
non resistant, quique occurrente electio-  
num occasione, sincere, prudenter, ac-  
tilliter, pro tantæ rei necessitate, officium  
faciant.

Ac proinde Metropolitanos, Episco-  
16 pos, & ipsos adeo Canonicos, ea omnia  
considerare, & promouere decet, quæ ad  
huius ordinis splendorem, dignitatem, &  
puritatem spectant: quandoquidem in il-  
lius congrua dispositione, maxime Ec-  
clesiarum vtilitas, ac illarum conseruatio  
innitatur.

Et cum Metropolitanis ex officio ipso-  
17 rum eminentia incumbat prouidere, ne  
Ecclesiæ comprouinciales detrimentis,  
tam spiritalibus, quam temporalibus, af-  
ficiantur, maxime illos vigilare decet his  
temporibus, ne cum Religiois detrimen-  
to, & ipsorum iurisdictionis iactura, per  
absurdas, & damnatas postulationes, &  
electiones, aut aliis modis, suffraganea  
Ecclesiæ in pericula coniciantur, aut ab  
antiquo ipsorum statu dimoueantur. Et  
siquid tale attentari cognouerint, omni-  
bus modis impendenti malo, iuxta sacro-  
rum Canonum dispositionem, tempe-  
stiuè occurrant. In quo contumacia se  
obiciante, proculdubio Cælestis Maie-  
statis autoritatem, pro ipsorum officii  
executione, & Ecclesiarum debita con-  
seruatione, piè, & benignè promptam  
habituos non dubitent. Non minus  
quoque confidit Sanctitas sua illustrissimos  
& Re-

& Reuerendissimos Metropolitanos, Episcopos, & Prælatos maiores, fideliter secum reputare, quanti his temporibus interfit veræ doctrinæ rationem haberi, vt ea, tanquam in candelabro præfulgente, errantes, & quasi in labyrintho heresum præsentis sæculi deuiantes, ad Ecclesiæ gremium inuitentur, dum in ea videt vniformem, & perpetuam doctrinam lucere, eademque opera obediens Ecclesiæ filij, in summa rerum omnium licentia, & perturbatione, in Sancta FIDE CATHOLICA retineantur, & magis, magisque confirmantur: De quo, vt semper, ita in præsentia maximè est cogitandum, atque præstandum, vt in posterum doctorum, & bonorum in Vineam Domini Operariorum copia suppetat; ad quod maximè conducere videtur, si ab Archiepiscopis, Episcopis, & Prælati bona Seminaria fundentur, & vtilis ministri educantur, qui doctrina simul, & exemplo præesse discant.

20 Quæ omnia, cum ad conseruationem spiritualis Hierarchiæ & Religionis, pertineant, promittit Sanctitas sua sibi, neminè commissurum, vt in se feruor, & zelus desideretur, præsentibus Ecclesiarum necessitati conformis; quæ profectò nulla alia ratione conseruari, & ad eum finem ad quem initio fundata, & dicatæ fuerunt, dirigi possunt.

21 Cæterum, cum iam re ipsa compertum sit aliquos Principes ecclesiasticos magno emolumento, & honore, Ecclesias, & ditiones suas expurgasse, ac optimis institutis firmasse, ac constabiliisse, eo magis sperandum est, tam eos ipsos, quàm eorum exemplo alios, promptius Sacrorum Canonum, & Concilij Tridentini obseruatione amplexturos, maximè cum id ipsum inuitabilis quædam necessitas requirat; In quo si pro ratione horum temporum, & diuersitate Regionum, ac locorum, casus aliqui se offerat, qui moderatione, dispensatione, vel prouisione aliqua indigeat, quæ à sua Sactitate peti debeat, in eo quotiescunque requiretur, paterno planè affectu curabit, quicquid ad vtilem sanctarum, & bonarum determinationum exe-

cutionem faciet: nec quicquam in se desiderari patietur, quod ad fructuosam officij pastoralis administrationem, & conuenientem directionem spiritualis semitæ, vel progressus, pertinere poterit.

Ac demum intimo animi affectu DEVM omnium bonorum datorem comprecatur, vt in istis publicis Religionis Sanctæ necessitatibus, sua gratia, tam sibi, quàm omnibus in tantæ sollicitudinis partem vocatis ita adsit, vt cum ipsius nominis laude illius quoque domus decorem, & dilexisset, & concupiuisse ardentem, videri possint.

Insuper SANCTISSIMVS D.N. PONTIFEX MAXIMVS ingenti animi dolore intellexit, in aliquibus per Imperium Ecclesiis, inter dignitates habentes, & Canonicos, inueniri non paucos, à salutaris sacrorum Canonum directione deuiantes, idque in primis cum diuini cultus neglectu.

Rarò enim Ecclesiæ per Dignitates obtinentes, & Canonicos frequentantur.

Distributiones, licet amplissimæ, aut negliguntur, aut exigua in choro mora, percipiuntur.

Annexa dignitatibus, & præbendis onera, & officia, non nisi per Vicarios præstantur.

Ordines & gradus ecclesiastici dignitatibus, ac præbendis annexi, non suscipiuntur.

Gravitas inculpate conseruationis, non seruatur in habitu clericali statui concedente, dehonestatur & maculatur turpi concubinato.

Vagatione ferè perpetua, ab vna Ecclesia ad aliam conuolando, præbendarum emolumenta captantur, pauperiores Ecclesiæ deferuntur.

Electionum prærogatiua non semper ad maiorem Ecclesiarum vtilitatem, & Religionis conseruationem, dirigitur.

Vacante Sede, bona ab Episcopis relicta, in priuatos vsus conuertuntur.

Episcoporum iurisdictio, per contrarias sacris Canonibus capitulationes, & pacta, confringitur.

Parochiales Ecclesiæ Capitulis adhæ-

ZZzzz

- rentes, & vnita, aut quæ de illorum sunt iure patronatus, non approbatis, non examinatis conferuntur.
- 37 Correctio, reformatio, & visitatio, excluduntur.
- 38 In assumptione ad Canonicatus, non Ecclesiarum, sed personarum, habetur ratio.
- 39 PROVISIONES Apostolicæ non vbique iuxta CONCORDATA admittuntur, sæpe excluduntur.
- 40 Cum Episcopis non raro contentiones suscipiuntur, idque non Iurium Ecclesiæ conferuandorum, sed eneruandæ Episcopalis Iurisdictionis studio.
- 41 Non procurant Principes ecclesiastici, vt ipsorum Consiliarij, & officiales omnes sint Catholici, alentes in sinu suo serpentes, & proditores suos.
- 42 Sacellanos doctos, qui concionibus, & colloquijs Catholicam religionem tueri possint, apud se habere non curant.
- 43 Cum non desint quorum familiæ promiscuè constant tum hæreticis, tum Catholicis, non prouident, vt in ipsorum aulis, ac mensis, de rebus fidei, in perniciem Catholicæ Religionis sermones, & disceptationes non habeantur.
- 44 Beneficiorum pluralitas, etiam quæ non contra Canones est toleratur.
- 45 Beneficia conferantur pueris infra ætatem à Concilio Tridentino requisitam, atque adeo etiam hæreticorum filiis.
- 46 Non prospiciunt, vt subditi filios suos ad scolas hæreticas non mittant; Vnde fit, vt quando seducti domum redeunt, totas familias inficiant.
- 47 Sacerdotes, ex alijs diocæsis, ob flagitia eiectos, temerè recipiunt, nulla cura super vita, & morum inquisitione facta.
- Obseruatum est nonnullis in Ecclesijs, dum Canonicatus pueris conferuntur, qui ecclesiastico statui tandem se abdicant, huiusmodi Canonicatus, longa serie, à pueris in pueros resignari, magno cum diuini cultus detrimento.
- Scolasteriarum vsus planè quibusdam in locis intercidit, cum ad Scholasticorum munus pertineat iuniorum Canonicorum paterna directio.
- Qui ad Vniuersitates mittuntur, siue dormiendo in ciuitate, siue etiam perditissimè viuendo tempus transigant, susque deque habetur.
- Catechismi prælectio, à qua ferè tota pietatis ratio pendet, nulla sollicitudine vrgetur, & quod deplorandum, etiam hæreticorum venenum tenerè iuuentuti obici permittitur.
- Hæc & his similia, quæ aliquibus Ecclesijs ruinam attulerunt, alijs ex propinquo minantur.
- Quare Illustrissimis & Reverendissimis Metropolitanis, Episcopis, & Capitulis ipsi hæc proponuntur, vt dignitatis, & officij sui memores, quæ DEI cultum, Ecclesiæ statum, Religionis conseruationem maximè concernunt, iuxta quod temporum conditio, & rei grauitas postulat, corrigant, & tollant, ad DEI laudem, Ecclesiastici status dignitatem & fidelis populi ædificationem.

*Laus Deo, & Beate Mariæ Virgini, ac  
S. V. uilbaldo Episcopo. & S. V. adria-  
Augustin. Episcopis.*